

SOLO

Afl. 1.25

BRIYANDO FUERTE • TRECIENDO CLARIDAD
DIAMARS 18 FEBRUARI 2025

Di Pueblo

**ARUBA BANK TA
CELEBRA 100 AÑA
CU E MUCHANAN DEN
PARADA DI NOORD**



WWW.SOLODIPUEBLO.COM



SOLODIPUEBLO@GMAIL.COM


AVION DI DELTA TA ATERISA DI EMERGENCIA NA TORONTO Y TA BOLTER RIB'E PISTA CU SNEEUW

Un avion di Delta Airlines a realisa un aterisahe di emergencia n'e Aeropuerto Internacional Pearson di Toronto dialuna, pa despues bolter boc'abao rib'e pista cu sneeuw despues di su yegada fo'i Minneapolis.

E incidente a activa di inmediato e protocol di emergencia, cu ekipo di rescate acudiendo n'e luga pa asisti e pasaheronan y e tripulacion. Segun e prome informacionnan, algun persona abordo lo a resulta heridam aunke ainda no a confirma e gravedad di e lesionnan. Ta spera cu den e proximo oranan brinda mas detaye riba e suceso.



PARADA DI MUCHA ORANJESTAD CU 11 DETENCION



WENDRICK CICILIA A GARA GINO GOELOE MORTO NA SOÑO Y RONCANDO DEN PARLAMENTO DI ARUBA!



AWA

**MINI
MEGA**

MEGA PLUS

Awo cu 2 florin mas, bo por gana e **MEGA PLUS**

* Afl.

2.850.000,-

* Afl. 1.850.000,- + Afl. 1.000.000,-
extra

Benta ta sera 7:30 pm y sorteo ta hunga 7:45 pm



HUNGA AWO



Prome Minister Evelyn Wever-Croes:

GABINETE WEVER CROES COMO GOBIERNO DEMISIONARIO LO SIGUI ATENDE TUR TEMA CORIENTE Y CU NO POR TARDA

“Si e supervision financiero y Hulanda haci su trabou debido, Aruba no ta suppose di “de-rail” pasobra nos ta riba e “rails” di finanzas publico sostenibel y responsabel”

ORANJESTAD - Prome Minister Evelyn Wever-Croes a indica cu Gabinete Wever-Croes II ta un Gobierno demisionario, pero lo sigui atende tur tema coriente y tur tema cu no por tolera pa tarda. Esaki no ta un asunto cu si Prome Minister kier of no kier sino cu mester atende e temanan aki cu ta di suma importancia.

Un tema hopi importante y coriente ta e negociacionnan cu Hulanda, pasobra esaki a cuminsa hopi prome cu Gobierno a cay. E temanan aki no por wordo posponi pasobra 1 di Mei 2025 ta den porta cu of sin Gobierno. Esaki ta un acuerdo haci cu Hulanda y Aruba a duna su palabra di

cumpli pa e fecha stipula.

Prome Minister a expresa di a scucha expresionnan bisando cu su persona a bay Hulanda pa "pret". esaki sigur no ta e caso, su persona abiahapa Hulanda mirando e necesidad pa atende varios tema importante, incluyendo e negociacionnan.

"E ta hopi importante pa un Gobierno semper dialoga personalmente cu Hulanda, na unda por wak nan cara y asina yega na miho acuerdo pa pais Aruba. No mester pleita ni grita of recurri na welga di hamber pasobra awe ainda tur hende ta corda e "welga di hamber" di ex Prome Minister Eman.




Realidad ta tambe cu na Den Haag tin un nerviosismo pa e Gobierno nobo cu ta bay bin y pa e maneho financiero cu e Gobierno nobo aki lo bay hiba, mirando loke ya nan a pasa den durante e añanan 2009-2017 cu a conduci na un "Koninglijk Besluit (KB), y na curatela

di Aruba.

E ta un berguensa cu despues di 7 aña e "welga di hamber" ta loke nan ta corda y ta causa e nerviosismo entre nan. Mi a haci mi best na purba di calma nan y splica cu Gabinete Wever-Croes a haci lo posibel pa

Aruba ta financieramente stabiel. Si e supervision financiero y Hulanda haci su trabou debido, Aruba no ta suppose di "de-rail" pasobra nos ta riba e "rails" di finanzas publico sostenibel y responsabel", Prome Minister a expresa.

2FAST4YOU A HACI UN EXCELENTE TRABAO SACANDO E AUTO FOR DI LAMA!



Diadomingo despues di cu un auto a bay awa na Mangel Halto y cu e doño no tin placa pa laga saca e auto, polis mes a yama 2FAST4YOU pa nan bini y saca e auto pa asina evita mas daño na e naturalesa.

Nan a haci un excelente trabao pa a haci esaki sin a dañe e lama ni coralnan.



Parlamentario Endy Croes (MEP):

WENDRICK CICILIA A GARA GINO GOELOE MORTO NA SOÑO Y RONCANDO DEN PARLAMENTO DI ARUBA!

Recientemente, parlamento number 12 cu a huramenta dia 8 di januari ultimo, tabatin algun reunion. E cantidad di reunion ta limita como cu e coalicion Futuro y AVP ta den pleno formacion. Aunke mester bisa cu e matrimonio aki tabatin varios pleito prome cu nan a forma. Ta manera cu nan a divorcia prome cu nan a casa, pero cu hopi ehercicio ta mirando e huma blanco y luz na horizonte.

Wendrick Cicilia a gara Gino Goeloe roncando: Nos por a tuma nota cu AVP y Futuro tin parlamentario cu o experencia y den e fase di “apprenticeship”, pues “training on the

job” pa forma nan mes. Alabes nos ta sigui e “body language” di e hobennan cu ta formando coalicion. Wendrick Cicilia susponser personal y aparentemente “amigo cu derecho” Marko Espinoza ta presente awor den tur reunion den sala di Parlamento. Marko Espinoza ta un di e sponsernan di Wendrick Cicilia den ultimo eleccion. Puntra mi den conferencia di prensa y mi lo amplia y/of mi lo splica den un reunion publico cu prueba. E “body language” di nan dos ta papia “mil palabra”. Tabata hopi cla durante reunion con e señalnan manera style di indjan di Wendrick Cicilia pa Marko Espinoza tabata bay di un

pa otro momento Gino Goeloe a cansa sin hiba ni un palabra y a tira un cabes den pleno reunion. Consecuentemente nos ta conclui cu nan a “catch” un potret di e partner den coalicion Gino Goeloe roncando durante reunion. For di un “chatgroup” di AVP e potret aki a cuminsa circula y intencionalmente pa e yega cerca MEP. Nos sa cu e trabou di un parlamentario ta uno pisa y tin biaha cansancio por bati na porta, pero como un parlamentario experencia mi no ta kere cu ta na su luga pa e parlamentarionan hoben trata otro di e forma aki. Tin trabou mucho mas grandi pa haci pa Pais



Aruba. Na Futuro y AVP hopi exito den e proximo gobernacion, pero e acto aki di AVP vs Futuro ta “set the tone” di kico nos

por spera. Na Gino Goeloe forsa y un consejo gratis pa bo ta pa sosega bon prome cu bo bin trabou.


KIEBRO Y LADRONICIA FOR DI UN AUTO STACIONA NA KLIPSTRAAT



Diadomingo anochi a drenta informe di un caso di kiebros y ladronicia for di un auto staciona den Klipstraat banda di edificio di Censo, mesora a dirigi un patruya na e sitio.

Na yegada di e patruya a bin compronde cu aki ta trata di un caso di kiebros y ladronicia unda e ladronnan a logra di bay cu un botter di Black Label.

Polis a tuma e keho.



Prome Minister Evelyn Wever-Croes:

PROME MINISTER TA DUNA RESUMEN DI REUNIONNAN CU MANDATARIONAN HULANDES



- Prome Minister Evelyn Wever-Croes durante un entrevista cu nos planta NacionalTeleAruba, a duna un relato di reunionnan cu mandatarionan na Hulanda durante su biahe di trabou.

Minister President Dick Schoof

E prome reunion tawata cu Minister President señor Dick Schoof. Aki a toca varios tema di relevancia pa Aruba, specialmente siguridad y desaroyonan den e region cu ta afecta Aruba directamente. A trata di e prome reunion personalmente di e dos premier-nan. Por a tuma

nota cu Premier Schoof ta bon informa y interesa riba desaroyonan na Aruba. Akinan e Prome Minister di Aruba a splica cu Aruba na e momento aki ta den un situacion financiero hopi stabiel y pa 3 aña sigui tin surplus financiero. Eynan den un manera di chiste e premier di Hulanda a pidi conseho di nos Prome Minister pa asina e tambe por crea surplusnan financiero pa Hulanda.

Minister di Buitenlandse Zaken Caspar Veldkamp Hunto cu Minister Plenipotenciario Ady Thijsen, Prome Minister

a reuni cu Minister di Buitenlandse Zaken señor Caspar Veldkamp. Aki a toca e temanan di Venezuela y con esaki ta afecta Aruba y tambe riba e desaroyo recien di e ordonan ehecutivo di e Presidente di Merca Donald Trump, unda algun di nan ta afecta Aruba directamente. Durante e reunion tambe Prome Minister a pone enfasis riba e importancia pa Hulanda por compronde kico cada decision di nan y Union Europeo ta significa pa Aruba.

Secretario di Estado di Relacionnan di Reino Zsolt Szabó


Tambe Prome Minister a reuni cu Secretario di Estado di Relacionnan di Reino señor Zsolt Szabó. A delibera riba diferente desaroyo pero principalmente e negociacionnan entre Aruba y Hulanda riba e



tema di e refinanciamiento di e debe di covid. Manera ta conoci awor Aruba ta pagando un interes di 5.1%. E condicion di e interes aki di 5.1% ta bou e condicion cu pa dia 1 di mei 2025, keda cla cu un ley di Reino y un ley na Aruba (landsverordering)

cu lo wordo presenta na Parlamento di Aruba y Hulanda. Si logra esey e interes lo baha te na 3.4%. Mescos cu Aruba, di parti di Hulanda tambe nan opinion ta cu e negociacionnan ta bayendo den bon direccion.


HOBEN RIBA SCOOTER A ACCIDENTA ORA UN TURISTA A BAY HACI UN TURN RIBA BRUG DI RENAISSANCE



Diadomingo anochi a drenta informe di un accidente riba e brug di Renaissance, mesora a dirigi un patruya na e sitio. Na yegada di e patruya a bin compronde cu un chauffeur turista riba

e brug di Renaissance no tabata por a warda e trafico mas y a dicidi pa dal un U-turn pero net na momento cu un scooter tabata bini y a pasa dal e auto den e maniobra.

E motociclista no a resulta herida pero su scooter si a ricibi basta daño mientras e auto di huur a haya un rasca.



PARADA DI MUCHA ORANJESTAD CU 11 DETENCION



Parada di mucha di Oranjestad a cuminsa cu hopi ambiente pa exactamente 1’or di merdia.

Cuerpo Policial conhuntamente cu SMAC a haci e inicio di e parada.

E parada a conta cu 7 grupo y den totaal di 1600 participante.

Cuerpo policial tabata tin 200 personal riba pia. E departamento tabata: Polis uniforma, recherche, Mobiele Eenheid,



Comando Mobiel, O.C.C. Flex team, K9 Unit, Polis di trafico, personal di CEA y nos personal administrativo.

Pa 5:43 di atardi e cabez

a yega ex-DOW. Pa 6:45 atardi e parada e yega su final.

Polis ta informa cu tabata tin un total di 11 detencion.

E detencionnan tabata pa arma blanco (cuchiu), no sigi ordo di polis , droga y bringamenrto

Aña 2024 tabata tin solamente 8 detencion.

DIAMARS AWO ABO POR TA E SIGUIENTE MIYONARIO DI ARUBA

ORANJESTAD, Aruba – 18 di februari 2025: Diabierna anochi e resultado di Mini Mega a ser conoci unda cu e numbernan cu a sali tabata 06-13-24-26 y Mega Ball 08. Apesar cu no tabata tin ganador pa e prome premio, si a conoce 6 ganado cu a casi bay cu e premio grandi! E hungadonan aki a gana e segundo premio door cu tabata tin e 4 numbernan bon, y tabata falta solamente e Mega Ball. Ticketnan ganado a wordo bendi na Big Ten 5, Suerte Bini Bini, Driemaster Lottery, Get Rich Yu Xia, M&F Valero Essoville y Kas Ariba Lottery.

Pa awe 18 di februari Mini Mega su jackpot a bira 1 miyon 850 mil florin y cu

2 florin mas, bo por gana e jackpot di 1 miyon florin extra cu ta pone e suma bira un total di 2 miyon 850 mil florin!

Pa sigura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scohe bo numbernan di 01 te cu 30 y pidi bo rebendedo preferi pa bo combo di All Mega Ball pa asina bo tin tur e Mega Ballnan den wega!

Cumpra bo ticket trempa pa bo tambe den wega pa gana e gran total di 2 miyon 850 mil florin!

Lotto, E Loteria di Aruba tin diferente wega, Catochi,



Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash.

Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia

bida di su hungadonan y na mes momento inverti den deporte local pa medio di donacionnan na e comision di subsidio.

ARUBA BANK TA CELEBRA 100 AÑA CU E MUCHANAN DEN PARADA DI NOORD

Sosteniendo e tema "Ban Hunga" di Centro di Bario Noord



17 di februari 2025 - Aruba Bank ta celebra cu orguyo e exito di Parada di Noord, unda e banco a patrocina Centro di Bario Noord den su participacion cu e tema "Ban Hunga."

Un parada cu hopi energia y color a reuni comunidad den un participacion yena di creatividad, cultura y union. Cu e apoyo di Aruba Bank, e participacion di Centro di Bario Noord a muestra entusiasmo y talento di nos muchanan y hubentud, reforsando e importancia di uni nos comunidad y preservacion cultural.

Aruba Bank ta compromete na sostene iniciativa cu ta uni nos hendenan y ta aporta na e futuro generacion. Mirando Centro di Bario Noord briya den Parada di Noord bou di e tema "Ban Hunga" tabata berdaderamente inspirante, y e banco ta orguyoso di a forma parti di e experiencia inolvidabel aki.

Aruba Bank ta dedica na sostene y celebra nos herencia cultural, promove union y fortifica nos comunidad.



CAMBIA PERSPECTIVA TOCANTE OBESIDAD: SA BO NUMBER Y MIDI



Parlamentario Endy Croes (MEP): VELD DI ESTRELLA TA DEN PLENO PREPARACION PA ESTRENA SU LUZNAN LED ULTRAMODERNO



E proyecto ambicioso di luz LED ta continua na veld di S.V. Estrella unda diamars ultimo, a baha e seis (6) postenan di luz pa wordo

renoba completamente cu e material di verf “antirust” y “marine” verf ultramoderno. Ademas di esaki, lo instala bracket



nobo. Manera ta conoci, fin di luna di december e luznan LED ultramoderno a yega Aruba.

Den e prome fase e luznan di un total di cinco (5) veld lo wordo renoba completamente. A inicia na e veld di Dakota, awo ta toca turno na veld di Estrella y den e simannan nos dilanti e trabou ta continua na veld di San Luis, Sportboys y Tanki Leendert. Un vision y decision di Gabinete Wever - Croes II, cual a inicia na luna di juni di aña 2024, unda cu a percura pa order e luznan LED pa e prome (cinco) 5 veldnan. Na inicio di e aña aki ta order otro cinco (5) set y e ultimo order ta tuma luga den e di dos mita di 2025. Ta premira cu lo finalisa cu e proyecto aki den aña 2026.

“Mi ta gradici mi colega Minister di Deporte Dangui Oduber pa continua cu



nos vision y pa duna mi e oportunidad pa sigui guia e proceso di e bunita proyecto aki. Alabes nos ta gradici Lotto pa Deporte cu ta sosteniendo e proyecto aki den totalidad. Nos hobennan y e deporte rey di futbol ta e gran ganador.

Tambe, mi ta gradici mi colega Parlamentario Edgard Vrolijk cu semper a duna su sosten na deporte y na e Proyecto di Luz LED. E proyecto aki ta

forma parti di e 4D (Deseo, Disciplina, Dedicacion y Determinacion), cual ta nos compas y inspiracion pa logra bunita proyecto na beneficio di comunidad. Pabien Santa Cruz, pabien nos atletanan, pabien Estrella y pabien na deporte di futbol. Nos pasion pa deporte ta keda intacto ni kico cu pasa. Nos a priminti y nos ta cumpli”, Parlamentario Endy Croes a conclui.

Prome Minister Evelyn Wever-Croes:

UN TOTAL DI 9 PERSONA A CELEBRA NAN HUBILEO NA EPI DIABIerna ULTIMO

"E trabou di esnan den e veld di enseñansa no ta solamente importante sino tambe hopi grandi y bunita, y nan merece tur clase di respet"



Diabierna atardi Prome Minister Evelyn Wever-Croes tabata presente na EPI pa celebracion di hubileo di 9 docente di EPI. Prome Minister a indica cu e momento aki tabata uno hopi special mirando cu e docentenan aki ta celebra entre 25 pa 45 aña den e veld di enseñansa na EPI, cu hunto ta conta cu un total di 280 aña di experiencia.

Durante su discurso Prome Minister a tuma e oportunidad di gradici cada un di e docentenan aki pa tur e añanan di dedicacion na nos hobennan. E docentenan aki no solamente ta un guia pa nos hobennan sino tambe un "role model", cu a sa di tin un influencia positivo riba e exito di cada un di nan. Danki na nan dedicacion y esfuerso awe e hobennan aki ta exitoso. Docentenan no solamente

ta guia e hobennan sino tambe ta un ayudo grandi pa e mayornan pa loke ta guia profesional di nan yiunan.

Prome Minister ta felicita cada un di e docentenan aki pa tur e añanan di amor y dedicacion na nos yiunan, y ta gradici e famianan di e docentenan pa nan sosten durante tur e añanan aki. Un pabien tambe na EPI pa tur e sosten cu nan ta duna comunidad den e area di enseñansa.

Por ultimo Prome Minister

a referi na e discurso di docente Harrisch Chin Sie Jen, cu ta muestra con chikito Aruba ta. Señor Chin Sie Jen tabata docente tempo cu Prome Minister su casa y su yiu tabata bay scol, y tabata colega di su mama. Pues aki ta papia di tres generacion, y tur e añanan aki ta muestra di cuanto experiencia señor Chin Sie Jen tin den e ramo aki. E trabou di esnan den e veld di enseñansa no ta solamente importante sino tambe hopi grandi y bunita, y nan merece tur clase di respet.



Prome Minister Evelyn Wever-Croes:

PROME MINISTER A EFECTUA TRASPASO DI MANDO DI CARNAVAL 71

“Chikito y grandi, ban gosa Carnaval den grandi y responsablemente”



Diadomingo mainta 16 di februari, manera ta tradicion, Prome Minister Evelyn Wever-Croes, a ricibi e monarcanan di Carnaval 71 na Bestuurskantoor unda a efectua e “Traspaso di Mando” simbolico na Prins y Pancho pa e temporada di Carnaval 2025.

Esaki a tuma lugha den un ambiente hopi bunita y anima na unda e monarcanan di Carnaval 71 a yega den un bus na Bestuurskantoor y a wordo ricibi pa Prome Minister di Aruba.

Dilanti e Reinanan di Carnaval 71, representantenan di SMAC, ganadonan di eventonan di Carnaval y e publico carnavalesco, e mandatario a duna un discurso gradiciendo y felicitando principalmente e monarcanan pa e bunita manera cu nan ta carga Carnaval di Aruba,

invertiendo tempo y fondo pa asina engrandece nos Carnaval.

Prins y Pancho grandi di Carnaval 71 a lesa e decreto di e maneho cu nan lo desea di hiba durante Carnaval 71, repartiendo cada ministerio y pa esaki nan a haya tur e atencion di nos Prome Minister. E mandatario a felicita nan y a desea nan exito cu e mandato durante carnaval y suerte den e tarea pa guia paradanan di Carnaval 71.

Despues di e traspaso di mando unda yabinan a wordo entrega, e monarcanan di Carnaval y representantenan di SMAC a wordo hiba pa e sala di Consejo di Minister na unda cu Prome Minister a regala nan un bunita pin como gradicimento y asina nan ta keda cu un bunita recuerdo di e bishita tambe.

Tambe Prome Minister

a gradici famianan y tur esnan cu di un forma of otro ta pone di nan banda pa asina haci e fiesta cultural mas grandi di Aruba un exito rotundo no solamente na Aruba, pero den wowo di henter mundo.

Prome Minister ta desea Aruba henter un dushi temporada di carnaval y ta gradici tur esnan cu ta tuma nan tempo pa engrandece e fiesta cultural di mas grandi di nos pais. Prome Minister ta enfatisa pa nos tur como un comunidad, gosa Carnaval grandemente y responsabelmente. Cuida nos muchanan di solo y cuida nan oido y permiti nan gosa e fiesta di Carnaval 71 grandemente. Mescos ta conta pa e grandinan. Asina mundo henter por bisa cu aki na Aruba, nos si sa con ta gosa Carnaval.

FORTALEZA PA FAMILIA

Scirbi pa Pastor Marcel Balootje.

SEÑOR DIOS, CONOCE BO, MIHOR CU BO MES

Si un hende ta kere cu e por ganja Dios, el malamente equiboca, pasobra ningun hende no por ganja Dios, Dios conoce tur cos di tur hende,

No lubida cu ta Dios a forma nos tur den barica di nos mama, E conoce nos comienso y tambe nos fin, E sa ki ora nos ta papia berdad y ki ora nos ta papia mentira.

E conoce cada intento di nos pensamiento, E tin poder pa mira kico nos ta forma den nos curason, E tin control di nos mente, pasobra ta e a traha tur cos.

No tin ningun caminda cu hende por huy bay for di presencia di Señor. E tin henter nos bida den su planta di man. Nada cu nos haci no ta sorpresa pa Dios, pasobra prome cu nos haci algo , Dios ta na altura.

No ta cumbini ningun hende haci malo , biba den inmoralidad y malicia, perversidad y abominacion, y despues bisa ta su bida priva, pasobra e ta perde su tempo, pasobra Dios sa tur cos di su bida, e por sconde pa hende , pero pa Dios e ta perdiendo su tempo, pasobra dilanti di Dios , tur cos ta den lus.

Mas ainda no ta cumbini, No ganja boso mes, Dios no ta laga hende haci bofon di dj'E, pasobra loke un hende sembra esaki tambe e lo cosecha. Pasobra esun cu sembra pa su mes carni, lo cosecha corrupcion for di e carni,

ma esun cu sembra pa e Spirito lo cosecha bida eterno, for di e Spirito.(Galatianan 6:7).

Dios ta husga tur pensamiento y intencion di curason, No tin ningun criatura scondi pa Su bista, ma tur cos ta habri y bisto dilanti di wowo di Esun cu nos tin di haber cune.(Hebreonan 4:13).

Dios ta bon na altura ora un hende ta pensa maldad den su curason, pesey semper Dios ta duna hende:

Tempo pa arepentí,

Tempo pa confesa,

Tempo pa bini bek riba e bon caminda,

Tempo pa sali for di scuridat y bini na e lus di Dios,

Tempo pa sali for di e bida di mentira y scuridat di diabel.

Pasobra ningun hende por bisa cu e ta felis, bibando for di boluntad di Dios, e diabel ta e mentiroso, e gran formador di bagamunderia kende por haci hende sabi bira ciego den maldad.

E wowonan di Señor ta tur caminda, vigilando malo y bon.(Proverbionan 15:3).

Pasobra wowo di Señor ta move bay bin door di henter tera, pa E por sostene fuertemente esnan cu nan curason ta completamente di dj'E.(2 Cronicanan 16:9).

Esun cu sconde su picanan lo no prospera, ma esun cu confesa y laga nan lo hanja misericordia.(Proverbionan 28:13).

No tin ningun disfras cu por sconde maldad dilanti di Dios, Dios ta trata cu nos tur abiertamente manera mester ta, diabel ta esun cu ta hinca den cabes di hende pa nan sconde despues cu nan haci pica, mescos cu e a haci cu Adam y Eva den paraíso, pero no tin caminda cu hende por sconde, y no tin nada cu hende por haci cu Dios lo no saca na claridad.

Berguensa ta bini ora nos sigi ganja, sigi sconde cos, te na momento cu Dios bisa ta basta, pasobra Dios ta mira tur curason, di tur hende, y tur hende mester duna cuenta na Dios di nan propio hechonan.

Pesey e oportunidad di arepentí, confesa, aparta y ricibi pordon di Dios, y kere den Su Yiu Cristo Hesus pa salvacion di nos alma, ta di gran balor.

Dios conoce nos curason.

Clasificados



SOLODIPUEBLO@GMAIL.COM

CEL.585 9500



SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

E BON NOTICIA

HENDE NO TA NACE DI E MESUN SEXO OF DI TRANSGENERO, PERO DI HOMBER Y MUHER

Cada hende na mundo ta nace di un pareha, di homber cu muher. Un famia ta wordo lanta pa medio di tata y mama. Y bo mes, di unda bo ta kere cu ba bini? Den Bijbel Genesis 2: 4-24, na principio di creacion, Dios Tata a traha homber y muher, nan nomber ta Adam y Eva. Dios Tata a traha homber y muher, pa procreacion humano. Tambe nos por lesa den Bijbel Marco 10: 6 – 9, na unda Cristo Hesus ta bisa: “Na principio di creacion Dios a traha homber y muher, p’ese y e homber lo laga su tata y su mama pa e uni cu su muher y nan dos lo bira un solo curpa.” Akinan Dios ta uni e homber y e muher den enlaso Matrimonial, pa nan haci nan relacion sexual pa nan lanta famia. Den e union aki, di homber y muher, e yiunan ta sigi e ehempelnan di nan tata y di nan mama. Dia cu e yiunan bira grandi, nan tambe ta casa pa lanta famia, mescos cu nan tata y nan mama. Awor, ta di unda ta bini cu homber cu homber y muher cu muher y transgenero, kier e union di casamento? Den Bijbel Genesis 19: 1 – 23, pakiko Dios Tata a destrui y a caba cu tur e habitantenan

den e ciudadnan grandi di Sodoma y Gomorra cu candela y azufre? Pasobra e ciudadnan di Sodoma y Gomorra tabata habita pa homosexualnan, lesbiananan y di tur clase di relacionnan sexual immoral y deshonesto. Den Bijbel Romanonan 1: 24 – 32, na unda Dios Tata a destrui y a caba cu tur e habitantenan di Sodoma y Gomorra, pa motibo di nan mal pasionnan cu e diabel a hinka den nan mente, den deseonan impuro. Di manera cu nan a deshonra nan mes curpa, nan a cambia e berdad di Dios pa mentira y nan a honra y adora idolonan, na lugar di Dios Creador. Nan muhernan a cambia tradicion natural pa esun contra naturalesa. Mescos tambe, hombernan a kita tradicion natural cu muhernan y a inflama nan mes den pasion cu hombernan. Hombernan ta comete deshonestidad cu hombernan. Asina nan ta haya den nan mes, e castigo mereci pa nan errornan. Nan ta yen di tur sorto di inhusticia. Nan ta haya, cu no ta bale la pena pa reconoce Dios. Maske cu nan ta reconoce e sentencianan di Dios, nan ta obra den maldad y p’ese y nan ta

merece morto. Nan mes ta haciele concientemente y nan ta aplaudi na esnan cu ta hacie tambe. Nan ta stroba Dios Su procreacion humano door di nan inmoralidad sexual y deshonesto, den oral y anal sex. Den Bijbel Genesis 19: 1 – 23, na unda tur e hombernan (homosexualnan) di Sodoma a rondona e cas di Lot y nan a bisa Lot: “Na unda e dos hombernan ta, cu a yega bo cas anochi? Sacanan afo, pa nos tene relacion sexual cu nan.” Lot a bisanan: “Mi ta roga boso mi rumannan, no comete tal maldad aki.”

Aki nos por comprende, cu e dos hombernan cu a bin na cas di Lot, nan tabata Angelnan di Dios, cu a bin pa trece husticia y castigo y Dios a castiga e habitantenan i n e s p e r a d a m e n t e . Akinan nos por mira, con grandi e ofensanan y e pikanan di inmoralidad y deshonesto tabata ta, cu Dios Tata a kita bida di tur e habitantenan. Bijbel Levitico 20: 13: “E homber cu drumi cu un homber manera cu ta drumi cu un muher, nan dos ta comete actonan repugnante, nan dos lo muri y nan sanger lo cay riba nan.” Bijbel

Levitico 18: 22: “Lo bo no tin relacion sexual cu un homber manera cu sa haci cu un muher, esey ta algo abominabel.” P’ese y, no bini cu e leynan cu ta bini for di abismonan di fierno, pa desvia hendenan den perdicion di condenacion mescos cu Sodoma y Gomorra. Haci mescos cu e president di Merca Donald Trump a haci. E’l a bin cu un Ley nobo den e Constitucion di Merca, cu lo bai tin solamente dos gender di hende, esta homber y muher.

Scirbi pa Seferino Tromp
Un mensahero di Dios.

Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhele consciente y inconscientemente nos tur ta anhele di experiencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

YOUTH QUEEN 2025 FILOMENA COLLEGE MAVO

Den Centro di Bario Brazil, Filomena College Mavo a tene su eleccion di Reina Hubenil '25.

Evento a cuminsa 7:15 y caba 10:30. E artistanan invita tawata Prins “All y Pancho “Out”, Jetzenia Martinez “Queen Shine”, Ji-vion Besselink “Jiv Mariachi”, Melody Franken “Queen Melo”, Gucci Dancers, Justin Trinidad King J, Brayden Elizabeth “Stinging B jr”, Jorienne Angela “Queen Gigi” y Freddy “Rasta”. MC tawata Addonsito Croes y Dj tawata Dyron Kelly. Reina saliente Anwizyann Geerman hunto cu su grupo a duna un bunita despedida.

A honra tambe artistanan di Aruba manera Ataniro, Freddy Rasta, Rygel Isabella, Renè Kock y Jetzenia Martinez como ex alumnonan exitoso di Filomena College Mavo. Na final di e anochi e hurado consisti di Michelle Ridderstaat -Mendez, Judelca Briceño, Ferdinand Franca,



Kimberly Boekhoudt, Rugia De Jong-Mauricio y Mieckey Gravenhorst a duna e siguiente resultado:

REINA FCM: Sheldry

Boekhoudt
First runner-up: Josiella Boekhoudt
Second runner-up: Shalienne Brown

Best Costume: Shalienne Brown
Best Show: Josiella Boekhoudt
Best Speech: Sheldry Boekhoudt
Reina Popular: Sheldry Boekhoudt
Reina Fotogenico: Shalienne Brown
Filomena College Mavo ta gradici SETAR N.V., Martijn Trading, Compra N.V., DA, Lucky Store, Magic FM, Revista KiNiKi, Champagne Carnival Group, REX, Bryson Photography, Cool FM, Fundacion Chico Harms, Prensa di Aruba, KPA, Cabayero barbershop y señora Mieckey Gravenhorst.



Clasificados

SOLO Di Pueblo

CEL. 585 9500

SOLODIPUEBLO@GMAIL.COM



YOUTH QUEEN 2025 FILOMENA COLLEGE MAVO




CELEBRACION DI DIA INTERNACIONAL DI LENGA MATERNO 2025 NA ARUBA

Na aña 1999 UNESCO a dicidi di institui un Dia Internacional di Lenga Materno pa celebra den henter mundo dia 21 di februari di cada aña. UNESCO a institui e dia aki cu e fin di promove diversidad linguistico y enseñansa multilingual y pa enfatisa un conscientisacion mas profundo di e importancia di enseñansa den lenga materno. E prome biaha cu a celebra e dia aki internacionalmente tabata na aña 2000. Na Aruba a cuminsa celebra Dia Internacional di Lenga Materno na aña 2003 cu un actividad organisa pa UNESCO Aruba, den cual Ramon Todd Dandaré Mag. Ling. a tene un charla den Aula di Universidad di Aruba. Despues di e celebracion ey, cada aña a sigui celebra Dia di Lenga Materno na Aruba. UNESCO ta kere den importancia di diversidad cultural y linguistico pa sociedadnan sostenibel. Den















cuadro di su mandato na fabor di paz, e ta traha pa preserva e diferencianan di cultura y idioma cu ta fomenta tolerancia di y respet pa demas persona. E sociedadnan multilingual y multicultural ta existi pa medio di nan lenganan, cualnan ta transmiti y preserva conocimiento y cultura tradicional di manera sostenibel. Pero, diversidad linguistico cada bes ta mas menasa. Cada dos siman, como promedio, un lenga ta desaparece, hibando cu ne henter un patrimonio cultural y intelectual. 40% di poblacion mundial no tin acceso na enseñansa na e lenga cu e ta papia y compronde (den e cifra aki poblacion general di Aruba ta inclui). No obstante, danki na comprendemento di e importancia di lenga materno, a alcanza logronan den materia di enseñansa multilingual. Aña 2025 ta marca e di 25 aniversario di Dia


Internacional di Lenga Materno. E punto culminante aki ta enfatisa un cuart siglo di esfuerzo dedica na preserva diversidad linguistico y promove uzo di lenga materno. Esaki ta un oportunidad importante pa reflexiona riba e logronan, renoba compromiso y destaca e papel fundamental cu preservacion di lenga ta desempeña den salvaguardia di patrimonio cultural, mehoracion di resultado den enseñansa y creacion di sociedadnan mas pacifico y sostenibel. Cu esaki den mente y como motivacion UNESCO Aruba, UNOCA y Biblioteca Nacional Aruba a uni forza pa celebra Dia Internacional di Lenga Materno 2025 na Aruba, cu organisacion di dos anochi den Biblioteca Nacional Aruba diabierna dia 21 y diaranson dia 26 di februari 2025 cuminsando pa 5:30 or di atardi, cu porta ta habri pa publico.

Den e charla titula “Evolucion y Emancipacion di Papiamento – Di lenga di catibo pa lenga di universidad” cuta cuminsap 6:00 or di atardi en punto Ramon Todd Dandaré Mag. Ling. lo presenta, cu e charla di 2003 como base, un enfoke historico di nos lenga, den cual lo presenta, informacion tocante, entre otro, e siguiente puntonan: origen y evolucion di Papiamento den un constelacion colonial; lenga general di e islanan ABC; rol di e diferente gruponan social; trastorno- y obstaculonan cu mester a vence; lucha pa reconocimiento di su propio papiadonan, specificamente den enseñansa y den comunidad en general; y emancipacion di e lenga den tur sorto di expresion: cultural, linguistico, literario, intelectual, artistico, politico y mas. Tur hende ta bonbini na e dos anochinan aki, di cual sigur sigur nan lo no sali desapunta.

















Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - February 17, 2025

 <div>Sorteo # 4540 0427 5598 6974 X5 Sorteo # 4540 0598 X3 Sorteo # 2596 5095 Sorteo # 4540 9783 Capricornio Sorteo # 1414 494 FP</div>	<div><table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">120.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table></div> <div><table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="3">94.000,-</td></tr><tr><td>0 x Match 4</td></tr><tr><td>0 x Afl 8,00</td></tr></table></div> <div><table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">1.850.000,-</td></tr><tr><td>0 x Afl. 500,00</td></tr><tr><td>0 x Afl 50,00</td></tr><tr><td>0 x Afl.15,00</td></tr></table><div>Afl. 2.850.000,-</div><div><table><tr><th>Sorteo #</th></tr><tr><td></td></tr><tr><td></td></tr><tr><td></td></tr></table></div></div> <div></div>	Sorteo #	Joker	Letter	0 x Jackpot	Proximo Jackpot		0 x Match 4+	120.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	94.000,-	0 x Match 4	0 x Afl 8,00	Sorteo #	Mega Ball	0 x Jackpot	Proximo Jackpot	0 x match 4	1.850.000,-	0 x Afl. 500,00	0 x Afl 50,00	0 x Afl.15,00	Sorteo #			
Sorteo #	Joker	Letter																																	
0 x Jackpot	Proximo Jackpot																																		
0 x Match 4+	120.000,-																																		
0 x Match 4																																			
0 x Afl. 12,00																																			
Sorteo #	Proximo Jackpot																																		
0 x Jackpot	94.000,-																																		
0 x Match 4																																			
0 x Afl 8,00																																			
Sorteo #	Mega Ball																																		
0 x Jackpot	Proximo Jackpot																																		
0 x match 4	1.850.000,-																																		
0 x Afl. 500,00																																			
0 x Afl 50,00																																			
0 x Afl.15,00																																			
Sorteo #																																			



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - February 17, 2025

 <div>Sorteo # 4539 7002 6793 4658 FP Sorteo # 4539 0402 X2 Sorteo # 2595 1861 Sorteo # 4539 0208 Cancer Sorteo # 1413 914 FP</div>	<div><table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">120.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table></div> <div><table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="3">06-07-15-17-21</td></tr><tr><td>8 x Match 4</td></tr><tr><td>121 x Afl 8,00</td></tr></table></div> <div><table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">1.850.000,-</td></tr><tr><td>0 x Afl. 500,00</td></tr><tr><td>0 x Afl 50,00</td></tr><tr><td>0 x Afl.15,00</td></tr></table><div>Afl. 2.850.000,-</div><div><table><tr><th>Sorteo #</th></tr><tr><td></td></tr><tr><td></td></tr><tr><td></td></tr></table></div></div> <div></div>	Sorteo #	Joker	Letter	0 x Jackpot	Proximo Jackpot		0 x Match 4+	120.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	06-07-15-17-21	8 x Match 4	121 x Afl 8,00	Sorteo #	Mega Ball	0 x Jackpot	Proximo Jackpot	0 x match 4	1.850.000,-	0 x Afl. 500,00	0 x Afl 50,00	0 x Afl.15,00	Sorteo #			
Sorteo #	Joker	Letter																																	
0 x Jackpot	Proximo Jackpot																																		
0 x Match 4+	120.000,-																																		
0 x Match 4																																			
0 x Afl. 12,00																																			
Sorteo #	Proximo Jackpot																																		
0 x Jackpot	06-07-15-17-21																																		
8 x Match 4																																			
121 x Afl 8,00																																			
Sorteo #	Mega Ball																																		
0 x Jackpot	Proximo Jackpot																																		
0 x match 4	1.850.000,-																																		
0 x Afl. 500,00																																			
0 x Afl 50,00																																			
0 x Afl.15,00																																			
Sorteo #																																			

DOS LIDER DI BUREAU TRAIMERDIA A BAY BONEIRO PA HAYA UN TRAINING DI TEAMUP

ORANJESTAD - Bureau Traimerdia (BTM) tin e privilegio di traha hunto cu e organisacion Internacional UNICEF NL & Save the Children NL y participa den e programa di TeamUp. Den e ocasion importante aki, dos lider di BTM lo forma parti di e training intensivo cu lo inicia 17 februari te cu 21 di februari 2025 na Boneiro.

Durante e training aki, nan lo siña tecnicanan y amplia nan conocimiento pa implementa e actividadnan di movecion (weganan) cu ta forma parti di e programa di BTM.

E programa TeamUp ta yuda muchanan den nan desaroyo social-emocional via metodo di interaccion y movimiento,

cu ta fundamental pa nan bienestar y ta cuadra cu e vision y meta di BTM. Ta bay transferi e conocimiento adkeri na e otro lidernan di BTM den forma di “train de trainer”, pa asina tur lider haya e conocimiento y “tools” pa sigui ofrece un servicio di calidad na nos muchanan. BTM ta e unico “Naschoolse Opvang” di Gobierno cu ta brinda cuido y guia na muchanan di 4 te cu 12 aña cu ta asisti na scol basico y muchanan special despues di ora di scol. Alabes, e ta e unico “Naschoolse opvang” cu ta brinda un tarifa social pa asina yuda famianan cu menos recurso y sigura cu tur mucha por disfruta di un ambiente safe y educativo.

BTM ta desea exito na e




dos lidernan, Ruthsella Imperator y Leonardo Phillips, cu lo forma parti di e training di TeamUp

den colaboracion cu un stakeholder importante cu ta UNICEF NL. Sigur cu nan conocimiento

y dedicacion lo sigui contribui na un miho futuro pa nos muchanan di Traimerdia.

CHAUFFEUR A PARA PA DUNA OTRO UN CHENS Y E AUTO SU TRAS A SLIP DAL E




Dialuna mainta a drenta informe di un accidente na Kudawecha, mesora a dirigi un patruya na e sitio. Na yegada di e patruya

a bin compronde cu aki ta trata di un accidente unda cu e chauffeur di un Hyundai Accent no a regula su velocidad ni a

mantene distancia a slip riba e caminda muha y a bay dal tras di e auto cu a para pa duna otro auto un chens.



ACCIDENTE CU 3 AUTO ENVOLVI CU HENDE HERIDA Y CHAUFFEUR DETENI



Diadomingo anochi a dreña informe di un accidente cu hende herida banda di Colegio San Hose na Santa Cruz, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente di cadena entre 3 auto unda un chauffeur di un Kia Rio no a regula su velocidad ni a mantene distancia a bay dal tras di un Kia Picanto y consecutivamente esaki a bay dal tras di e Toyota Yaris su dilanti. Debi na e impacto algun mucha ocupante a resulta herida. Polis a detene e chauffeur burachi y na yegada di e ambulansnan a atende e muchanan herida.

Señor ta mi wardador, mi n’ tin falta di nada
Den cunucu di yerba berde, E ta pone mi sosega
E ta hiba mi na awa trankil, pa mi bolbe haña forsa
(for di Salmo 23)

Cu inmenso amor y gratitud den nos curason pa tur locual el a significa pa nos,
famia Croes ta anuncia fayecimento cristian di:

Elisabeth C. Croes-Croes

Mihor conoci como: El, Elsie, Juffrouw
Elsie, Juffrouw Croes
+ 25-02-1951 - † 12-02-2025



Na number di su esposo:
Rolando “Ronny” Croes
Yiunan:
Ronella Croes
Ernon Croes
Silvia Croes y Michel Maduro
Mayornan:
†Frans Muller Croes & †Anna Maria Croes-de Mey
Suegronan:
†Gerrit “Gerry” Croes & †Cornelia Croes-Maduro
Rumannan:
Lucia y Boi Croeze-Croes
Ovi y José Croes-van Hoek
†Rita y Edwin Arendsz-Croes
Olivia y Nico Duarte-Croes
Robby y Melva Croes-Yanez
Evelyn y Franklin Ruiz-Croes
Benita Britt-Croes
Des Croes
Rina Croes
Edgar y Wina Croes-Werleman
Swa y cuñanan:
Lucia Croes
Chica Croes
Elizabeth y †Oscar Bikker-Croes
†Betty y †Roberto Tromp-Croes
Gabriel y Greta Tromp
Yolanda Croes
Leoncita Croes
Edith y Ronny van der Linde-Croes
Roberto y †Rina Croes-Tromp
Sobрино y sobrinanan y nan famia:
Haime, Wendy, Enid, Alan, Edith, Irwin, Egbert, Indra, Sergio, Iraida, Jorge, Cedric, Renzo, Liza, David, Daniella, Nicole, Cindy, Lucio, Elsa, John Patrick, Sherry, Roderick, Shareen, Shariff, Itishmira, Roschendra, Roschenell, Rhadyn, Rhansley, Ericson, Silvyane, Ghrisanty Ihanan: Iraida Duarte, Maria-Elena Krozendijk, Sandrich Bislik
Alicia, Auchie, Giechie, Valerie, Maria, Reina, Linda, Ica, Violeta, Mireya, Doy, Salome, Norma, Norman, Beatriz y demas amigo y amiganan
Un danki special pa e atencion y cuido ricibi di dokternan y ekipo completo di Intensive Care Unit na HOH
Demas famia:
Croes, de Mey, Maduro, Croeze, Arendsz, Duarte, Ruiz, Britt, Bikker, Tromp, van der Linde, Lee

Ta invita primo y primanan, bisinanan, conocinan, ex-colega y alumnonan di Colegio Ora Ubao y La Salle College, gruponan di oracion

Nos ta gradici y aprecia e sosten y apoyo ricibi, pero nos ta lamenta cu nos no por ricibi bishita di condolencia na cas

Na lugar di krans of flor lo tin box disponibel pa donacion pa Hospice Atardi y Fundacion Dr. Jose Gregorio Hernandez

Nos ta pidi disculpa si den nos tristesa nos por a lubida un famia of amistad

Oportunidad pa condolencia:
Diamars 18 di Februari 2025 di 7:00 pm pa 9:00 pm na Aurora Funeral Home

Acto di entierro:
Diaranson 19 di februari 2025 for di 2:00 pm pa 4:00 pm na Misa Inmaculada Concepcion na Santa Cruz. Sigui pa un respons y despues lo sali pa Santana Catolico na Santa Cruz